



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Tritemii Tractatvs De Sacerdotvm Vita Recte
Institvenda**

Trithemius, Johannes

Coloniæ Agrippinæ, 1655

De Avaritia & Cupiditate fugienda. Caput V.

[urn:nbn:de:hbz:466:1-46533](#)

C A P V T V . III

crati fuerimus , premium æternæ vi-
tæ percipiemos.

*De Avaritia & Cupiditate
fugienda.*

C A P U T V .

QUAMQUAM in principio 1.
sermonis nostri contra a-
varitiam & cupiditatem dispu-
taverimus , certâ nihilominus
ratione ducimur , ut etiam in
hoc loco de hac ipsa re iterum
eloquamur. Nunquam enim
satis contra hoc vitium agitur,
nisi cum funditus extirpatur.

Sciens autem Salvator no-
ster , quam difficile sit divitem
intrare in regnum Dei , sequen-
tibus se dixit : Nisi quis renun-
ciaverit omnibus quæ possi-
det ,

112 DE SACERD. VITA

det, non potest meus esse discipulus. Hinc Psalmista nos admonet, dicens: Divitiae si affluant, nolite cor apponere. Et Apostolus dicit: Habentes victum & amictum, his contenti simus. Quid amplius quærimus, qui ministri Dei sumus?

3. Turpis est in Sacerdote Dei, cupiditas, *A.* turpis avaritia, & auri continua fames damnabilis. Tu ergo (frater amantissime) si cupis in libertate spiritus vivere, noli pecunias perituras querere, divitias noli amare. Jacta cogitatum tuum in Domino, & ipse te enutriet, ipse esurientem te pascet, ipse custodiet. Nec volo ut providentiam domesticam penitus abji-

abjicias, sed ne per avaritiam
excedas.

Radix omnium malorum
cupiditas est, quæ hominem
non sinit Deo in libertate spi-
ritus vivere: sed mentem sem-
per torquet curis amaris, nec
permittit eum aliunde quam
de divitiis cogitare. *B.* Medio-
critas autem res tutissima est,
quæ nec egestate premitur, nec
abundantiâ in superbiam ele-
vatur.

40

Videmus inter Sacerdotes
Dei , cultores idolorum , qui
pecuniis congregandis semper
invigilant, qui avaritiæ student,
qui de æterna vita nihil aut pa-
rum cogitant. vivunt tanquam
nati sint ad quæstum , C. pieta-
tatem in pauperes longè abji-

50

F 4 ciunt,

114 DE SACERD. VITA
ciunt, nihil aliud quam aurum
quærere & invenire concipi-
scunt.

6. Videres inter illos quosdam
avaros & miseros divites , qui-
bus rerum temporalium copia
& abundantia maxima est , sed
facultas utendi acquisitis decet.
Omnibus diebus , quibus ver-
santur in terra , miserè vivunt,
comedere & bibere pro ne-
cessitate corporis non præsu-
munt , augere ad acervum pe-
cuniæ semper aliquid concu-
piscunt.
7. Lucris invigilant , de ani-
marum salute nihil penitus cu-
rant. Plus dolent de amissio de-
nario, *D.* quam si decem ex si-
bi commissis animæ perirent.
Sed mirum non est , si alienam
negli-

negligat, qui propriam dam-
nat. **Q**uisquis enim cor suum
avaritiæ & cupiditati semel
submiserit, nunquam aut raro
liber erit. Semper ad majora
lucra pecuniarum æstuat, *E.*
ad augmentum auri semper
anhelat, tantoque crescit ha-
bendi desiderium, quanto con-
tigerit creuisse nummum.

Jam deinceps unum bene-
ficium quantumlibet pingue
non sufficit, *F.* pro impetrans
etiam aliis Sacerdos avarus
discurrit, per fas nefasque nan-
cisci laborat, quæ improbè con-
cupiscit. Currit interea ad se-
dem Apostolicam, petitionis
suæ narrat causam, quæ si cum
veritate discutitur, falsa porti-
nus invenitur.

F 5 Præ-

116 DE SACERD. VITA

9. Præbendas deinde unus homo multas impetrat, curam ovium mercenariis locat, lanam & lac de ovibus recipit, sed gregem pascere contemnit. Væ (inquit Propheta) pastori bus, qui pascunt semetipſos. Putant se à noxa liberos, qui per dispensationem summi Pontificis multa beneficia obtinent: sed quid requiratur ad istam impetrationem, non pensant. G.

10. Tu autem sta, & noli trans gredi terminos antiquos, quos posuerunt Patres tui, sed pone concupiscentię modum, ne ca das in peccatum. Uno bene ficio, quod tibi pro mediocri tate tui status sufficit, te volo esse contentum, ne si plura fine

sine justa necessitate susceperis,
gravius coram Deo inde judi-
ceris.

Noli multitudinem secus a-
gentium in exemplum assumere,
noli per latam viam peccan-
tium incedere, si ad vitam vo-
les pervenire. Qui altari deser-
vit, de altari vivat: *H.* qui au-
tem pascere oves negligit, la-
nam & lac ab eis quâ temerî-
tate requirit?

Instituta sunt Ecclesiastica
beneficia pro sustentatione eo-
rum, qui eis deserviunt, non ad
avaritiam illorum, qui sua quæ-
runt. Qui onus portat & cu-
ram, dignus est recipere suspen-
tationem. Qui autem fugit o-
nus solitudinis, non sine cul-
pa percipit emolumenntum la-

118 DE SACERD. VITA

Etis. Si ergo Christi oves pa-
scere renuis , lanam & lac ab
eis minimè quæsieris. Non
enim propter pastorem oves,
sed propter oves pastor consti-
tutus est. Neque cura anima-
rum appetenda est, ut habean-
tur alimenta: sed alimenta po-
tius requirenda sunt, ut debita
ovibus adhibeatur cura.

13. Sed à multis nunc ordo per-
vertitur , qui prælaturas & be-
neficia idcirco appetunt , ut in
arca pecunias habeant , non ut
animas pro Dei amore pa-
scant. O pastor ! O idolum !
quam miserè decipis temetip-
sum. I. Curas tantum ut co-
medas , qui ut curare animas
posses comedere debueras.

14. Cupiditas radix malorum
om-

omnium est , mater transgres-
sionis, magistra nocendi , auri-
ga malitiæ , inventrix doli, pro-
motrix mendacii. Sacrilegia
committit & furta. prædas agit
& incendia , bella gerit & ho-
mocidia.

Denique sola cupiditas est, 15.
quæ simoniacè homines eme-
re , & vendere docuit , inique
petit & recipit,injustè negotia-
tur, dolis innititur , mendacio
& perjurio foyetur. Ipsa est
quæ fidem frangit,dissolvit pa-
ctum,testimonium corrumpit,
& violat juramentum. Chari-
tatem quoque inter Deum &
hominem extinguit cupiditas,
fraternam dilectionem inter-
rumpit,concordiam turbat,in-
fatuat consilium,aequitatis per-

F 7 vertit

120 DE SACERD. VITA
vertit judicium, destruit unitatem. K.

16. Si ergo te dignum Dei ministrum exhibere desideras, hanc omnium malorum radicem de corde quantocyus evelas. Brevis est omnis terrenarum opum possessio, brevis vita mortalis actio, instans quotidiè ad mortem humani generis processio.
17. Cur ergo moraris pro Dei amore contemnere, quæ morte interceptus cogeris in brevi vel invitus relinquere? Non enim habemus hic manentem civitatem, sed futuram inquirimus. Ubi thesaurus tuus est, ibi & cor tuum erit. Noli perituras mundi divitias quærere, L. noli cor tuum avaritiæ vinculis obligare. De-

Decet enim Sacerdotem 18.
Christi, esse discipulum mi-
tem, & misericordem, qui alien-
na non cupiat, sed in pauperes
sua largiter distribuat. *M.*

Notæ.

A. **T**urpis est in Sacerdote Dei Cu-
piditas) Nam ut S. Ambro-
sius Serm. 59. testatur , avaritia
grande malum est , imo malorum
omnium est origo; sicut ait Aposto-
lus ; radix autem omnium malorum
est cupiditas , quam quidam appe-
tentes , errarunt à fide ; adeoque
Apostatæ facti sunt.

B. Nec permittit eum aliunde , quam
de divitiis cogitare) Expressum hoc
vidi à Christiano pictore tali modo:
in templo ante Crucifixi imaginem
flebant, & orabant pauper, & di-
ves : pauperis cogitationes , per li-
neas

122 DE SACERD. VITA

neas ductas expressæ , omnes ferebantur in ȝ. Salvatoris vulnera : divitis nulla cogitatio eò tendebat ; sed, uti aliis lineis indicabatur , omnes deflectebant , partim in cistam auro repletam , partim in stabulum equorum , partim in cellam vinariam , partim in alias ejus possessiones, &c. Verum enim est Christi : ubi thesaurus tuus, ibi & cor tuum.

C. Vivunt, tanquam nati sint ad quæstum) Afferit hoc etiam S. Augustinus , de Civ: Deil. 11. c. 25. perversi , inquit , & avari frui volunt nummo , uti autem Deo , quoniam non nummum propter Deum impendunt , sed Deum propter nummum colunt, itaque in pecunia conquiescunt , ac si nulla Dei curâ , ac providentiâ agere deberent unquam. Unde Germani tales meritò alibi vocare solent nummorum basiatores, Küssenspfennig/ie.

D. Plus dolent de amissso denario , &c.) Cura animarum, juxta gravem Conc.

Conc. Trid: sententiam , est onus Angelicis humeris formidandum , cuius obligatione Sacerdos tenetur primò , & principaliter de animabus sibi commissis ita sollicitus esse , ut suà negligentia nulla prorsus pereat ; ac si fecus accidat , debet strictissimam supremo Iudici Christo de omnibus reddere rationem.

E. Semper ad majora lucra pecuniarum aestuat) Acriter hoc exprobrat S. Chrys: orat: in avaros. Ursi , & lupi ubi saturati sunt , abstinent se cibo , isti verò nunquam satiantur. Quod si mentem quoque talium quis excutiat , jam non feras modò , sed etiam dæmones ipsos appellabit , secundum illud proverbior. 30. inter tria infaturabilia , infernus est.

F. Vnum beneficium quantumvis pingue non sufficit) Per quod tamen , attestante Conc. Trid: sess. 24. cap. 17. Ecclesiasticus Ordo pervertitur , quando unus plurium officia occupat Clericorum , sanctè sacris canonicibus

124 DE SACERD.VITA

nibus cautum fuit , neminem oportere in duabus Ecclesiis conscribi. Tenetur quisquis Parochiâ, seu beneficio curato contentus esse, &c.

G. *Quid requiratur ad dispensationem non pensant*) Ut nimurum valida, & multò magis ut sit licita , & laudabilis, quod auctor noster bene expendit. Non est dubium , quin non pauci cum dispensationibus his suis ituri sint ad infernum , cum ob falsos prætextus frequenter invalidæ sint , vel ob intercurrentem simoniam damnabiles. Quam acerbè hoc sapientissimus Petrus Canisius exprobravit propriis literis , quæ adhuc extant, Cardinali, & Episcopo cuidam Augustano , dum Elvacensem etiam præposituram impetrasset?

H. *Qui altari deservit, de altari vivat*) Quantum pro honesta sustentatione requiritur : interim nervosè affirmat S. Augustinus Serm. 36. ad frat. in Eremo , si Sacramentum dare

dare distuleris , etiamsi fueris omni paupertate vallatus , non pastores , non Christi Ministeres , sed mercator . Non igitur petas , non etiam tantum pro baptismo (idem est iudicium de aliis parochialibus) recipias , si cum Simone mago perire non velis , nam facto pacto Sacramentum vendidisti , & Salvatorem tuum perdidisti cum Juda . Quot pauperes etiam in extremis negliguntur , dum sportulam dare nequeunt ? Tenentur singularem pauperum , & miserabilium personarum suæ parochiæ curam gerere : eosdem sepelire , animas eorum Deo commendare , nullâ etiam eleemosynâ inde speratâ .

I. O Pastor , O Idolum , quam misere decipis te ipsum) Quando non animarum Zelus , Christique honor ad hanc vel illam pinguiorem Parochiam incitat . O Sacerdotes mei , addit iterum S. Augustinus l. cit : si fœnus in laico crimen censetur , si pro-

126 DE SACERD. VITA
propter hoc damnatur ad mortem,
quid de vobis erit in die judicii ?

K. Destruit Unitatem) Quam cum
Deo , cum proximo , seipso habere
deberet : hoc terrium exactè descri-
bit S. Basilius hom. 21. Cupidi ani-
mam hæ curæ continuò mordaces
absumunt. Canis latrat , avarus pu-
tat furem esse, mus fortè perstrepit,
ut avari cor salit ! quemlibet vel
puerum suspectum habens.

*L. Noli perituras mundi divitias
quærere*) Audi quid iterum de hoc
sentiat S. Chrysostomus; avarus Sa-
cerdos crudelis est, hom. 84. super
Math. Communis omnium hostis
est, hom. 82. Ubique inutilis. Ibi-
dem ; nec fruitur suis rebus : hom.
14. super ep. ad Corint. In tenebris
vivit , hom. 15. super Ep. ad Hebr.
Meretrice pejor , & non est dives :
ibidem.

*M. Sed in pauperes sua largiter di-
stribuat*) Nam ut S. Cyprianus testa-
tur, agens de Eleemosyna: In Evan-
gelio

gelio Dominus Doctor vitæ nostræ,
 & Magister salutis æternæ , inter
 sua mandata divina, & præcepta cæ-
 lestia nihil crebrius mandat, & præ-
 cipit , quam ut insistamus Eleemo-
 synis dandis. Idem sensus est om-
 nium aliorum SS. Doctorum. Re-
 cte enim Sotus de off. past. lect. 6.
 ex S. Gregorio monet; qui non dat
 ovibus substantiam suam, quomodo
 pro illis dabit animam suam ?

*De Honestâ Conversatione Sa-
 cerdotum Exteriori.*

C A P U T V I .

Considera nunc qualēm
 conversationem tuam de-
 beas instituere , qualēmque te
 oporteat vivere , ut omnipo-
 tenti Deo , cuius minister es ,
 in toto corde valeas placere.
 Quan-